



5 Ogos 2013
5 August 2013
P.U. (A) 260

WARTA KERAJAAN PERSEKUTUAN

FEDERAL GOVERNMENT GAZETTE

KAEDAH-KAEDAH CUKAI PENDAPATAN (POTONGAN BAGI KOS LATIHAN DI BAWAH SKIM LATIHAN 1MALAYSIA BAGI GRADUAN MENGANGGUR) 2013

INCOME TAX (DEDUCTION FOR TRAINING COSTS UNDER SKIM LATIHAN 1MALAYSIA FOR UNEMPLOYED GRADUATES) RULES 2013



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA CUKAI PENDAPATAN 1967

KAEDAH-KAEDAH CUKAI PENDAPATAN (POTONGAN BAGI KOS LATIHAN DI BAWAH
SKIM LATIHAN 1MALAYSIA BAGI GRADUAN MENGANGGUR) 2013

PADA menjalankan kuasa yang diberikan oleh perenggan 154(1)(b) dibaca bersama dengan perenggan 33(1)(d) Akta Cukai Pendapatan 1967 [*Akta 53*], Menteri membuat kaedah-kaedah yang berikut:

Nama dan permulaan kuat kuasa

1. (1) Kaedah-kaedah ini bolehlah dinamakan **Kaedah-Kaedah Cukai Pendapatan (Potongan bagi Kos Latihan di bawah Skim Latihan 1Malaysia bagi Graduan Menganggur) 2013**.

(2) Kaedah-Kaedah ini disifatkan telah mula berkuat kuasa pada 1 Jun 2012.

Tafsiran

2. Dalam Kaedah-Kaedah ini, melainkan jika konteksnya menghendaki makna yang lain—

“pelatih” ertinya seorang graduan menganggur warganegara Malaysia yang menjalani suatu skim latihan;

“skim latihan” ertinya program Skim Latihan 1Malaysia selama lapan hingga dua belas bulan yang berterusan bagi graduan menganggur yang diluluskan oleh Unit Perancang Ekonomi di bawah Jabatan Perdana Menteri Malaysia;

“syarikat yang layak” ertinya suatu syarikat—

(a) yang diperbadankan di Malaysia di bawah Akta Syarikat 1965 [*Akta 125*];
dan

(b) yang diluluskan oleh Unit Perancang Ekonomi di bawah Jabatan Perdana Menteri Malaysia untuk mengambil bahagian dalam skim latihan.

Potongan

3. (1) Bagi maksud menentukan pendapatan larasan bagi syarikat yang layak di Malaysia daripada perniagaannya bagi suatu tempoh asas bagi suatu tahun taksiran, suatu potongan hendaklah dibenarkan bagi apa-apa belanja pasti dan perbelanjaan yang disebut dalam subkaedah (2) yang dilakukan oleh syarikat yang layak itu dalam tempoh asas itu bagi mengendalikan skim latihan itu.

(2) Belanja pasti dan perbelanjaan yang disebut dalam subkaedah (1) untuk setiap skim latihan ialah—

- (a) elaun latihan bulanan yang tidak kurang daripada satu ribu ringgit yang dibayar kepada pelatih untuk tempoh maksima selama dua belas bulan;
- (b) perbelanjaan yang dilakukan bagi latihan yang disediakan kepada pelatih;
- (c) perbelanjaan yang dilakukan bagi elaun makanan, perjalanan dan tempat tinggal kepada pelatih semasa menjalani skim latihan itu; dan
- (d) fi yang dibayar kepada seseorang yang telah dilantik untuk mengendalikan latihan kemahiran insaniah di bawah skim latihan itu.

(3) Jumlah amaun potongan yang boleh dibenarkan di bawah perenggan (2)(b), (c) dan (d) bagi setiap pelatih hendaklah tidak melebihi lima ribu ringgit bagi setiap skim latihan.

(4) Amaun potongan yang dibenarkan di bawah subkaedah (1) hendaklah bersamaan dengan dua kali amaun belanja pasti dan perbelanjaan yang dibenarkan di bawah Kaedah-Kaedah ini.